



## JAPAN NA PNG LONG SKUL




*Praim Minista Michael Somare na Veronika Somare na tupela pikinini Arthur na Sana - fopela i bin go limlimbur na lukluk raun long kantri Japan inap 4-pela de long mun Desemba i go pinis.*

*Insait long dispela pepa mipela i soim sampela poto ol i bin mekim long dispela taim.*

*Poto antap i soim Sana Somare i kisim presen long han bilong wanpela liklik sumatin bilong Bancho Praimeri Skul long biktaun Tokyo.*

*Na long poto daunbilo yumi lukim Veronika Somare long raithan wantaim tupela pikinini i stap insait long klasrum bilong dispela skul yet.*

*Olgeta poto long dispela pes na long pes 2 na pes 7 bilong dispela niuspepa i kam long hetkota bilong Japan hia long Papua Niugini. Mipela i tenkyu long ol.*



*Poto antap i soim lain bikpela man bilong PNG i kamap long Japan long Air Niugini long 6 Desemb a 1977. Daunbilo tru long leta em i Praim Minista Takeo Fukuda, Praim Minista Michael Somare, Tony Farapo (tokman bilong PNG long Japan), Misis Veronika Somare, na Filip Bouraga bilong dipatmen bilong Praim Minista.*

*Poto daunbilo i soim pasin bilong wokim bikpela kaikai bilong onaim*

*ol hetman bilong gavman bilong narapela kantri, long taim ol i kamap. Ol manmeri tasol i gat biknem na biknamba inap kam long dispela kaikai. Ol i mas pasim spesel klos na i gat olkain spesel gutpela kaikai na ol bikman i save mekim gutpela tok amamas.*

*Mista Somare i statim nupela telipon lain namel long Japan na PNG na i toktok wantaim Mista Julius Chan long Port Moresby.*



*Olgeta poto hia i kam long hetkota bilong Japap long P.N.G.*

**wantok**  
Newspaper of Papua New Guinea

**National weekly in  
 Melanesian Pidgin.**

**Editorial Offices:**  
 P.O. Box 1982  
 Boroko

Phone: 25.2214  
 25.2552  
 Telex: NE 22213

**Branch Offices:**  
 Wewak  
 Phone: 86.2479

Wabag  
 P.O. Box 111

**Advertising:**  
**In P.N.G.**  
 Ms. Penny Donald  
 Phone: 25.2214

**In Australia:**  
 Kevin Engel  
 8 Duraba Pl.  
 Caringbah (2229)  
 Phone: 525.6263

**Subscription Rate:**  
 Annual: K8.00



## TANIM BEL

(Insait long wanpela bikpela miting long Australia wanpela biktisa bilong Yunivesiti bilong Papua Niugini i bin autim sampela gutpela toktok. Em i Kumalau Tawali. Toktok bilong em i go olsem:)

Ol pipel i save toktok planti long revolusen. (Revolusen em i min tanim nabaut o kapsaitim wanpela pasin na rausim na senisim long narapela kain. Revolusen em i pasin bilong kapsaitim gavman long pait. Em i olsem ol pipel i egens long wanpela bikpela samting na ol i wok long pinisim em bikos ol i ting em i samting nogut na ol i no laikim. Straik na protes mas em i wanpela kain liklik revolusen. Planti taim revolusen em i wanpela kain pait bilong kisim independens. Oltaim revolusen em i strongpela samting, i samting bilong kros, i samting bilong kapsaitim olupela pasin na putim pawa insait long han bilong nupela grup bilong statim nupela pasin. Em tasol liklik toktok long "revolusen". Nau mipela i statim gen toktok bilong Kumalau Tawali.)

Ol pipel i save toktok planti long revolusen. Mi yet mi bin lukim wanpela smolpela revolusen taim mi lukim sampela waitskin Australia i sem na i laik tok sori long olgeta samting nogut ol wanskin bilong ol i bin mekim long Papua Niugini taim ol i stap bosim kantri. Na taim mi harim ol i tok ol i sori, mi pilim olsem: nogut yumi pait wantaim dispela nupela kain waitman. Mobeta yumi sindaun wantaim na wok wantaim ol long stretim ol samting long kantri. Long wanem ol dispela nupela lain i wantingting wantaim mipela.

Bipo mipela PNG i bin kisim independens long yia 1975, planti saveman bilong politik i tok: bai i gat pait, bai ol i kapsaitim blut, bai ol samting i bagarap. Tasol ol i rong. I no gat wanpela katres i pairap, i no gat wanpela liklik hap blut i lus. Taim plak bilong Australia i kam daun, ol pipel bilong PNG i no bin brukbrukim long liklik liklik hap olsem ol belhatman i save mekim. Nogat. Taim dispela plak i kamdaun, wara i kam daun long ai bilong planti man i sanap lukim. Inap long las de long dispela kantri, plak bilong Australia i kisim ona long ol PNG.

Mi ting wanpela bikpela samting i bin helpim mipela PNG long winim independens em dispela pasin bilong wok bung wantaim, olsem wanpela tim. Yes, mipela PNG i save pait; wan wan lain i save pait, na yupela i save ritim dispela kain nius na harim long redio. Tasol yupela ting long dispela taim wanpela provins bilong mipela, em Not Solomons, i laik brukklusim PNG. Gavman i bin stretim dispela wari bikos ol lida bilong gavman na bilong Not Solomons i bin sindaun wantaim na toktok. Olsem tasol mi ting ol arapela kantri i mas mekim. Ol i mas kisim na bihainim dispela eksampel.

Tasol mipela PNG i gat wanpela bikpela wari yet. Em long sindaun gut wantaim. Wanpela provins i no ken pait wantaim narapela; wanpela lain pipel wantaim narapela, wanpela lain wantok wantaim narapela. Na mipela PNG i no ken putim hevi bilong dispela trabel antap long ol waitman o kain samting olsem. Nogat. Taim ol waitman i stap, mipela i bin sindaun gut. As bilong trabel em i stap insait long mipela yet, insait long bel bilong mipela. Olsem na mipela i mas tanim bel pastaim, tanim bel bilong mipela yet. Mipela mas revolusen insait long bel bilong mipela yet.

# Lokalaisesen

## Somare tokaut

Praim Minista, Mista Michael Somare i tokaut pinis long sampela tingting bilong Gavman bilong em long pasin bilong lokalaisesen. "Lokalaisesen" em i min long senisim wok bilong ol waitman wantaim wok bilong lokal man, man bilong Papua Niugini stret.

Mista Somare i bin autim tingting bilong em bihain long sampela toktok kritisais i bin kam long lain bisnisan bilong Maun Hagen. Presiden bilong ol i bin tokaut olsem ol bisnisan i no amamas long wanem lokalaisesen long PNG i bin kamap kwiktaim tumas.

Mista Somare i tok em i les pinis long ol pipel i wok long sutim tok long Gavman long go het bilong lokalaisesen. Em i tok, long taim gavman i bin slo tumas long lokalaisesen, ol pipel i bel kros long Gavman. Orait, taim Gavman i laik hariapim lokalaisesen, ol sampela pipel i no laikim gen.

Mista Somare i tok dispela pasin i nogut long wanem ol pipel i no tok stret long laik bilong ol. Mista Somare i tok maski

long ol dispela pasin bilong kritisais. Em i tok Gavman na ol pipel bilong PNG i amamas long ol developmen long lokalaisesen i bin kamap insait long dispela tupela yia bihain long independens. Long dispela tupela yia planti bikpela wok tru long Gavman i bin go long han bilong ol PNG man. Na wok bilong ol i bin gutpela.

Mista Somare i tok, long 5-pela yia namel long 1972 na 1977, Gavman i bin kamapim bikpela program bilong lokalaisesen. Tude samting olsem 91% long ol pablik sevan i lokal pipel. Em i min i gat 42,837 wokman long gavman na 38,919 i lokal pipel.

I tru sampela lokal man i no gat planti save bipo, tasol ol i no wari. Ol i mekim mekim tasol na bihain long sampela taim ol i

kisim save long wok bilong ol. Ol i kisim ekspiriens long mekim wok tasol.

Mista Somare i tok em i amamas long ol lokalaisesen insait long gavman. Tasol em i tok, lokalaisesen long ol kampani i bin slo tumas. Em i no amamas long pasin bilong ol Yuropien bisnisan.

Em i tok ol dispela bisnis tu i mas givim trening long ol lokal man bai ol i ken kisim ol bikpela wok insait long ol bisnis kampani. Planti pipel long PNG i pilim olsem ol bikpela kampani insait long PNG i no laik givim bikpela wok i go long ol lokal man na meri. Mista Somare i tok, gavman i laik lukim ol bikpela bisnis kampani i givim gutpela trening long ol lokal man i wok long ol.

## Kampani soim we

Wanpela PNG man bilong Morobe Provins i winim pinis wanpela nupela bisnis kampani bilong em. Ol lokal man tasol bai kamap memba long dispela kampani. Dispela man, Mista John Jaintong, i gat 28 krismas bilong em. Em i marit na i gat wanpela pikinini.

Nupela kampani bilong em, em i kolim long "Nationwide Office and Business Consultants." Dispela kampani bai wok long salim olkain masin bilong ol ofis. Olkain masin olsem taiprait, na olkain masin i save wok wantaim ilektrik. Dispela kampani tu i tokman bilong olkain ofis masin kampani bilong Australia na Yurop na Japan olsem Hermes, Facit, Hagin, Citizen, Sanyo, A.B.Dick.

Mista Jaintong bai kamap olsem eksekutiv (i go moa long pes 14)



Poto long raithan i soim Mista John Jaintong na Mista William Vassilieff bilong nupela kampani.





## TOK POSIN NA SANGUMA

Dia Edita - Hia mi gat tingting tu long helpim memba bilong Yangoru-Saussia long Nesenel Palamen, Mista John Jaminan, long givim bikpela mekim save long man i save mekim pasin bilong posin na sanguma long bagarapim laip bilong narapela pipel long Iektoret bilong em.

Mi tu i helpim em olsem na mi tok i mas i gat wanpela bikpela lo, gavman i mas wokim lo bilong posin na sanguma. Mi tu mi wanpela man bilong dispela hap bilong Mista Jaminan. Dispela hap i gat bikpela wok tru long pasin bilong posin na sanguma na planti ol yangpela man i save pret na i lusim ples bilong ol na i go long narapela provins. Na kisim wok long dispela hap na tu marit. Na ol i save stap olgeta long ples bilong meri na i no tingting long as ples tru bilong ol.

Mi ting olsem dispela kain we o pasin bilong mekim posin na sanguma i no inap long bungim olgeta pipel long dispela Eria long bung wantaim na tingting long kirapim ol kain wok bisnis na ol narapela kain developmen. Olsem na mi givim bikpela sapot o helpim long tingting bilong Mista John Jaminan.

Long helpim tingting bilong memba bilong mi, mi laikim olsem, wanem man i mekim pasin bilong posin na sanguma, dispela ol lain man i mas go kalabus inap ol i dai. O gavman i mas hangamapim ol ai bilong olgeta manmeri na ol i ken dai. Orait, bihain planim ol long matmat. Em dispela tupela we tasol bai inap tru long stapim pasin bilong posin na sanguma long hap bilong Yangoru na Saussia.

Ol pipel bilong dispela eria i gat bikpela wari tru long kain wok olsem bilong posin na sanguma i save kamap long hap bi-

long ol. Bipo tru ol i save yusim we o pasin bilong ol yet long traim long pinisim dispela rabis pasin. Tasol planti ol pipel i dai nabaut long posin na wok sanguma. Na gavman bilong bipo i no bin lukluk long dispela samting. Na tu ol memba i bin sanap bipo long Nesenel Palamen i no bin bringim dispela wari i go long gavman. Nating ol tu ol i posin na sanguma man, olsem na ol i no bin toktok long dispela samting.

Ating em tasol ol tingting bilong mi. Husat i gat narapela tingting em i laik skruim ol toktok bilong mi em i welkam tasol. Na bai mi amamas tasol long lukim long Wantok Niuspepa. Tenkyu tru olgeta.

S.S.H. Jerry,  
Bumbu/Lae.

## MORESBY MAKET I DOTI

Dia Edita - Nau mi laik sapotim toktok bilong wantok ya Joseph Bike Awi bilong Kerowagi long Simbu Provins.

Yes, mi ting em i tok tru. Mi tu mi lukim maket bilong Port Moresby siti i no stret tru. Long taim ol manmeri i karim ol kaikai i go long maket, ol i no save kisim olsem lip diwai na gras na ol lip banana na ol kain kain pipia wantaim katim i kam. Taim ol i salim ol kaikai pinis ol i save lusim ol dispela pipia long maket ples na ol i go. Em wanpela samting i no stret long ai bilong mi.

Narapela em ol manmeri i save kaikai buai na spet nabaut long maket na tu long ol stua na ol gutpela gutpela haus. Mi lukim ol i wokim gutpela dabol stori haus tasol ol manmeri i save spetim buai long banis na simen na faibro. Em tu i no stret.

Na em i wok bilong husat? Husat bai sapotim ol manmeri long i no ken

wokim dispela kain pasin? Mi ting em wok bilong siti kaunsil. Ating Port Moresby siti kaunsil i no save wok strong. Na lukim ol arere bilong ol rot. Planti pipia i pulap i stap. Lukim planti longpela gras i karamapim rot i stap. Em wok bilong siti kaunsil.

Em tasol liklik wari bilong mi. Tenkyu.

Martin Kikaip Kupea,  
Wabag/Enga Provins.

Salim ol pas  
i kam long:  
WANTOK  
BOX 1982  
BOROKO

## TUPELA NO WANBEL

Dia Edita - Mi gat liklik hap tok long putim i go long yupela.

Mi yet mi pilim ol Hailans meri, ol meri Niugini i go daun long Moresby long kos o wok, ol Papua meri i kros wantaim ol na mekim kain kain pasin, toktok baksait long ol. Em mi pilim i no gutpela pasin ol i mekim long meri Hailan long ples bilong kos o ples ol i kam bung long kisim save bilong wok na kirapim kantri bilong yumi.

Niugini meri o meri Hailans na tu ol meri Papua, olgeta i kam long bung na kisim wankain save bilong gutpela sindaun bilong ol bihain. Tasol mi yet mi pilim, ol i no save sindaun gut wantaim.

Mipela man, Hailans na Papua i kam long wok hia, mipela i wanbel oltaim long wok na sindaun na i gutpela olsem na i no gat bel nogut namel long mipela ol man. Dispela em mi lukim long wok bilong mi yet.

Dispela gutpela pasin ol meri tu i mas bihainim na bai sindaun bilong yu wan wan i ken stap gut.

Const. Miamure Aina,  
Karimui (Simbu)

## TISIOT TOKTOK

Dia Edita - Yes yu askim mipela long rait bilong Tisiot olsem "One Way Jesus" o "Jesus Loves you" o "God is you answer". Em ol dispela kain rait i stap long Tisiot na yu lukim na yu no klia tru long dispela na askim mipela olsem.

Brata bilong mi, mi ken tok klia na tokim yu long dispela samting. Jisas, mining bilong em olsem. Taim Jisas i kam bek na kisim kristen i go long heven em wanpela rot tasol. Dispela rot em yet i Jisas. Olsem na ol i raitim olsem "One Way Jesus" na soim yu long lukim long dispela na bihainim Jisas wanpela tasol.

Na "Jesus loves you," mining bilong em olsem: Jisas i laikim kristen tasol na em i no laikim mi. Yu no ken tingting olsem, em i laikim gutpela man na em i no laikim mi o mi man bilong sin, olsem na em i no laikim mi. Yu no ken tingting planti olsem. Em i laikim yu wantaim mi. Sapos yu gat Buk Baibel, orait yu opim long Jon 14:6 na Jon 3:3, 1 Pita, 1:22 na Jon 3:34 na Rom 12:10.

Brata em ol dispela Baibel pes i ken helpim yu long dispela samting. Em tasol.

Billy Kuna,  
Madang.

## MAN I AS BILONG TRABEL

Dia Edita - Hia nau mi laik bekim pas bilong brata ya Lainus H. Operagol bilong Kubalia. Long pas bilong em, em i bin semim ol meri na tok ol olsem dok meri stret.

Na brata mi ting em i no gutpela tumas long yu kritisaisim ol mer olsem. Mi ting yu bilong narapela hap na nogat, yu wanpela wantok yet. Mi ting olsem as bilong trabel em yumi man tasol. Wantok Kuba-

lia, nau bai mi askim yu dispela kwesten. Sapos yu gat meri long ples bilong yu Kubalia na yu go raun long taun long Wewak. Na wanpela meri i aigris long yu, bai yu tok nogat long em? Sori brata, bai nogat tru.

Yu kisim em i go pinis bihain meri bilong yu i lukim em, nau pait i bruk. So yu no ken traim long givim blem long ol meri. Blem i stap long mipela ol man tu. Sapos yu go lukim wanpela meri i naispela tru na i smat moa yet, bai yu i no inap tok, maski mi marit pinis. Nogat tru ya. Yu aigris long em na kisim em i go pinis.

So, brata, dispela samting em long yumi manmeri wantaim. Bai em i no inap long lus. Em bilong stap olsem i go inap yumi indai bai i pinis. Em tasol liklik bekim bilong mi long yu wantok Kubalia stret. Tenkyu.

Alois Ningi,  
Wewak.

## NO LAIKIM REDIO TOK

Dia Edita - Nau mi laik autim liklik wari bilong mi long dispela pas bilong mi. Dispela em i namba wantaim bilong mi long rait i kam long edita.

Wari bilong mi i olsem: mi no save amamas long Redio Stesin long Port Moresby i save advetaisim ol kain kain samting ol i save salim insait long kantri bilong yumi long taim bilong Papua New Guinea rikwes taim.

Mi bin harim planti taim ol i kolim ol pas na pilaim singsing pinis, ol i stop na advetaisim ol samting long namel long dispela rikwes program bilong wanem ol i save westim taim bilong kolim planti pas na bilong ol yet tu?

Olsem na mi rait i kam na askim yupela sapos yupela inap long senisim dispela samting.

John Patina,  
Malala/Madang.



# NIUS BILONG OL MERI



## YWCA KIBUNG LONG FIJI

Long mun Janueri 53 YWCA deliget bilong Pasifik i bin bung long Fiji. Ol i kam long Australia, Nu Silan, Solomon Ailans, Samoa, Fiji, na Papua Niugini.

PNG i bin salim dispela ol deliget i go: Misis Mary Tololo, Misis Regina McKenzie, Misis Gani Charles, Misis Ann Kerepia, Misis Rosita Galorie, Mis Hona Abivo, Misis Hilan Los, na Misis Kila Amini.

Taim ol lida bilong YWCA i bin kibung long Kanada ol i bin tok, wanpela bikpela kibung bilong olgeta kantri wantaim i nogut. Long wanem ol kain kain kantri i gat kain kain pasin na kain kain wari bilong ol stret. Mobe ta ol deliget bilong wanpela hap graun i kibung.

Ol dispela deliget meri bilong Saut Pasifik i kibung na paitim tok na i wari watpo olgeta wan wan kantri bilong ol i gat ol dispela kain senis i kamap.

- (1) Watpo planti skulman-ki tumas i kamap dropaut?
  - (2) Bilong wanem i no gat inap haus long ol taun?
- Ol meri deliget i wari tu long:
- (a) wok independens bilong sampela kantri wan-solwara
  - (b) watpo planti pipel i ran i go sindaun long taun
  - (c) watpo ol meri i no ken gat wankain skul na wok olsem ol man
  - (d) wok turis i gutpela o nogat?



Ol meri i strong long dispela tingting: insait long ol skul ol meri na ol boi i mas lainim olgeta samting wantaim. I no ol meri tasol i lainim wok samap o kukim kaikai. Nogat. Ol boi tu i mas lainim. Na ol meri i mas lainim tu liklik wok kamda. Ol bai i save kukim kaikai, ol inap wok long ol hotel.

Ol meri i no laik tu dispela pasin bilong mekim olkain singsing nating bai ol turis i ken kisim poto tasol. Ol singsing tumbuna i gat taim na ples na mining stret bilong ol . . . yumi no ken mekim nating olsem.



Man i tok em i no save mekim wanpela asua, ating em i no save mekim wanpela samting olgeta.

*Misis Veronika Somare wantaim famili bilong em i go lukluk raun long ol bikpela stua long Japan. Pasin tru bilong kantri Japan em i bilong putim kain klos yu lukim long poto. Em i poto bilong man na meri Japan.*

**PREN BILONG YU  
INAP OLTAIM**



# RET KROS BLUT BENG I SOT LONG BLUT



*Givim Blut  
Nau!*


*Em inap  
helpim yu yet*



## **AVELING-BARFORD PACIFIC** for your compaction requirements.

**Vibratory Plates**  
**Vibratory Rammers**  
**Pedestrian Vibratory Rollers**  
**(Double drum hydrostatic drive)**



Agents for bearings and hose fittings Ryco-flex Nachi



### **AVELING-BARFORD PACIFIC PTY. LTD**

Head office: Ume Street, Gordons, Port Moresby. Port Moresby.  
PO Box 6457. Phone 257166 Telex NE22206

Lae depot: Morobe Avenue, PO Box 1191, Lae Phone 424188 Telex NE42411



# Japan

*Olgeta poto hia i soim sampela ples Mista na Misis Somare i bin lukim long Japan.*

*Poto long raithan i soim Praim Minista na Misis Somare wantaim Arthur na Sana, fopela i sindaun insait long wanpela tren i ran long rel na i save hariap moa.*

*Daunbilo Mista Somare i sekan wantaim wanpela meri Japan i putim klos meri bilong ol Japan stret.*

Olgeta poto hia i kam long hetkota bilong Japan long PNG.



**SCHEDULE EFFECTIVE: 5th MARCH '78 to 29th OCTOBER '78 ISSUE No. 23**

Schedules, shown in this Timetable are based on the latest information available at the time of going to press and are subject to alteration without notice. All times shown are local times. Flights carried out by B707 F-28 and F-27 aircraft.



	MONDAY		TUESDAY		WEDNESDAY		THURSDAY		FRIDAY		SATURDAY		SUNDAY		
	FLT	DEP STAGE	ARR	FLT	DEP STAGE	ARR	FLT	DEP STAGE	ARR	FLT	DEP STAGE	ARR	FLT	DEP STAGE	ARR
B707	PX10 PX3 PX3 PX2	POM POM-BNE BNE-SYD SYD-POM	0755 1220 1430 1930	PX11 PX12	POM-KOJ KOJ-POM	1300 2125	PX8 PX3 PX3 PX7	MNL-POM POM-BNE BNE-SYD POM-MNL	0745 1220 1430 2345	PX2 PX5 PX6 PX9	0950 SYD-POM 1445 POM-BNE 1840 BNE-POM 1855 POM-HKG	1330 1735 2130 2115	PX1 PX4 PX4 PX9	0545 POM-SYD 1045 SYD-BNE 1255 BNE-POM 1655 POM-HKG	0925 1205 1545 2115
B707	QF025 QF026	0930 SYD-POM 1430 POM-BNE	1320 1715	QF025 QF026	0930 SYD-POM 1430 POM-BNE	1320 1930	QF025 QF026	0930 SYD-POM 1430 POM-BNE	1320 1715	QF025 QF026	0930 SYD-POM 1430 POM-BNE	1320 1715	QF025 QF026	0930 SYD-POM 1430 POM-BNE	1320 1715
F28	PX130 PX131 PX17 PX18 PX19 PX19 PX19	0605 POM-LAE 0715 LAE-POM 0945 POM-CNS 1210 CNS-POM 1420 POM-MAG 1545 MAG-POM	0650 0800 1110 1335 1520 1645	PX18 PX18 PX19 PX19 PX19	0715 POM-WWK 0930 WK-DJJ 1015 DJJ-WWK 1245 WK-MAG 1450 LAE-POM	0835 0915 1200 1325 1740 1535	PX162 PX162 PX163 PX17 PX17 PX16	0615 POM-MAG 0740 MAG-MAS 0850 MAS-MAG 1000 MAG-POM 1155 POM-CNS 1420 CNS-POM	0715 0825 0935 1100 1320 1545	PX150 PX153	1630 POM-WWK 1815 WK-MAG	1750 1855	PX150 PX153	1630 POM-WWK 1815 WK-MAG	1750 1855
F28	PX108 PX107 PX150 PX151 PX151 PX151	0505 POM-KIE 0705 KIE-POM 0925 POM-WWK 1110 WK-MAG 1250 MAG-LAE 1315 LAE-POM 1750 POM-LAE 1900 LAE-POM 2030 LAE-MAG 2240 MAG-WWK	0640 0840 1045 1150 1345 1510 1605 2115 2215 2320 0105	PX154 PX154 PX151 PX108 PX133 PX154 PX154 PX151	0605 POM-LAE 0715 LAE-MAG 0815 MAG-WWK 0920 WK-POM 1125 POM-KIE 1325 KIE-POM 1545 POM-LAE 1655 LAE-POM 1740 LAE-POM 2240 MAG-WWK	0650 0750 0855 1040 1300 1500 1630 1740 2115 2215 0105	PX108 PX107 PX150 PX151 PX151 PX151	0505 POM-KIE 0705 KIE-POM 0815 MAG-WWK 0920 WK-POM 1125 POM-KIE 1325 KIE-POM 1545 POM-LAE 1655 LAE-POM 1740 LAE-POM 2240 MAG-WWK	0640 0840 1045 1150 1345 1510 1605 2115 2215 0105	PX108 PX107 PX150 PX151 PX151 PX151	0505 POM-KIE 0705 KIE-POM 0815 MAG-WWK 0920 WK-POM 1125 POM-KIE 1325 KIE-POM 1545 POM-LAE 1655 LAE-POM 1740 LAE-POM 2240 MAG-WWK	0640 0840 1045 1150 1345 1510 1605 2115 2215 0105	PX108 PX107 PX150 PX151 PX151 PX151	0505 POM-KIE 0705 KIE-POM 0815 MAG-WWK 0920 WK-POM 1125 POM-KIE 1325 KIE-POM 1545 POM-LAE 1655 LAE-POM 1740 LAE-POM 2240 MAG-WWK	0640 0840 1045 1150 1345 1510 1605 2115 2215 0105
F27	PX206 PX206 PX206 PX203 PX203 PX204 PX204 PX247 PX247 PX241 PX240 PX243 PX242	0650 KIE-RAB 0900 RAB-HKN 1015 HKN-LAE 1150 LAE-RAB 1345 RAB-BUA 1510 BUA-KIE 1605 KIE-RAB 0735 RAB-KIE 0830 KIE-BUA 0945 BUA-RAB 1015 RAB-LAE 1210 LAE-GKA 1310 LAE-GKA 1410 GKA-LAE 1545 LAE-HKN 1655 HKN-RAB	0810 0950 1125 1345 1510 1605 0735 0830 0945 1015 1210 1310 1410 1545 1655	PX217 PX217 PX206 PX206 PX206 PX245 PX245 PX247 PX247 PX241 PX240 PX243 PX242	0730 LAE-HKN 0900 RAB-HKN 1025 RAB-KVG 1120 KVG-RAB 1245 RAB-BUA 1400 BUA-KIE 0915 KIE-RAB 1025 HKN-LAE 1150 HKN-LAE 1230 LAE-GKA 1330 GKA-LAE 1400 LAE-RAB 1625 RAB-LAE	0845 0955 1110 1215 1340 1435 0835 0950 1125 1230 1330 1555 1820	PX217 PX217 PX206 PX206 PX206 PX245 PX245 PX247 PX247 PX241 PX240 PX243 PX242	0730 LAE-HKN 0900 RAB-HKN 1025 RAB-KVG 1120 KVG-RAB 1245 RAB-BUA 1400 BUA-KIE 0915 KIE-RAB 1025 HKN-LAE 1150 HKN-LAE 1230 LAE-GKA 1330 GKA-LAE 1400 LAE-RAB 1625 RAB-LAE	0845 0955 1110 1215 1340 1435 0835 0950 1125 1230 1330 1555 1820	PX217 PX217 PX206 PX206 PX206 PX245 PX245 PX247 PX247 PX241 PX240 PX243 PX242	0730 LAE-HKN 0900 RAB-HKN 1025 RAB-KVG 1120 KVG-RAB 1245 RAB-BUA 1400 BUA-KIE 0915 KIE-RAB 1025 HKN-LAE 1150 HKN-LAE 1230 LAE-GKA 1330 GKA-LAE 1400 LAE-RAB 1625 RAB-LAE	0845 0955 1110 1215 1340 1435 0835 0950 1125 1230 1330 1555 1820	PX217 PX217 PX206 PX206 PX206 PX245 PX245 PX247 PX247 PX241 PX240 PX243 PX242	0730 LAE-HKN 0900 RAB-HKN 1025 RAB-KVG 1120 KVG-RAB 1245 RAB-BUA 1400 BUA-KIE 0915 KIE-RAB 1025 HKN-LAE 1150 HKN-LAE 1230 LAE-GKA 1330 GKA-LAE 1400 LAE-RAB 1625 RAB-LAE	0845 0955 1110 1215 1340 1435 0835 0950 1125 1230 1330 1555 1820
F27	PX281 PX294 PX295 PX292 PX292 PX293 PX293 PX293 PX284 PX247 PX220 PX223 PX223 PX250 PX250 PX251 PX251 PX246	0600 HGU-POM 0830 POM-GUR 0955 GUR-POM 1200 POM-PNG 1255 PNG-LAE 1425 LAE-PNG 1555 PNG-POM 0735 POM-GKA 0840 GKA-HGU 0930 HGU-GKA 1000 GKA-MAG 1050 MAG-GKA 1140 MAG-GKA 1200 GKA-POM 1320 POM-GKA 1525 POM-GKA 1600 RAB-KVG 1715 KVG-MAS	0735 0835 1100 1235 1405 1535 1630 0820 0910 1000 1050 1140 1200 1335 1525 1640 0715 0855 1035 1240 1445 1530 1740	PX222 PX222 PX253 PX253 PX253 PX285 PX285 PX285 PX281 PX247 PX220 PX223 PX223 PX250 PX250 PX251 PX251 PX246	0700 POM-GKA 0900 HGU-WWK 1040 GKA-MAG 1110 WK-VAI 1220 VAI-WWK 1325 GKA-HGU 1415 HGU-GKA 1555 GKA-POM 0735 POM-GKA 0840 GKA-LAE 0920 LAE-RAB 1145 RAB-LAE 1245 GUR-LSA 1305 LSA-POM 1420 WK-MAS 1525 MAS-KVG 1640 PNG-POM 1755 RAB-LAE	0720 0835 1110 1245 1325 1415 1555 0735 0820 0920 1015 1145 1245 1430 1335 1525 1640 0715 0855 1035 1240 1445 1530 1740	PX222 PX222 PX253 PX253 PX253 PX285 PX285 PX285 PX281 PX247 PX220 PX223 PX223 PX250 PX250 PX251 PX251 PX246	0700 POM-GKA 0900 HGU-WWK 1040 GKA-MAG 1110 WK-VAI 1220 VAI-WWK 1325 GKA-HGU 1415 HGU-GKA 1555 GKA-POM 0735 POM-GKA 0840 GKA-LAE 0920 LAE-RAB 1145 RAB-LAE 1245 GUR-LSA 1305 LSA-POM 1420 WK-MAS 1525 MAS-KVG 1640 PNG-POM 1755 RAB-LAE	0720 0835 1110 1245 1325 1415 1555 0735 0820 0920 1015 1145 1245 1430 1335 1525 1640 0715 0855 1035 1240 1445 1530 1740	PX222 PX222 PX253 PX253 PX253 PX285 PX285 PX285 PX281 PX247 PX220 PX223 PX223 PX250 PX250 PX251 PX251 PX246	0700 POM-GKA 0900 HGU-WWK 1040 GKA-MAG 1110 WK-VAI 1220 VAI-WWK 1325 GKA-HGU 1415 HGU-GKA 1555 GKA-POM 0735 POM-GKA 0840 GKA-LAE 0920 LAE-RAB 1145 RAB-LAE 1245 GUR-LSA 1305 LSA-POM 1420 WK-MAS 1525 MAS-KVG 1640 PNG-POM 1755 RAB-LAE	0720 0835 1110 1245 1325 1415 1555 0735 0820 0920 1015 1145 1245 1430 1335 1525 1640 0715 0855 1035 1240 1445 1530 1740			
F27	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740
F27	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740	PX271 PX282 PX283 PX290 PX291	0600 POM-GUR 0735 KVG-MAS 0915 MAS-WWK 1120 WK-MAS 1300 MAS-KVG 1445 KVG-RAB 1600 RAB-LAE	0720 0855 1035 1230 1335 1530 1740

**ABREVIATIONS:**  
**Domestic**— BUA, GUR, KIE, MAS, POM, Wewak, WKK, WWA  
 Bulka, Dairu, Goroka, Hoskins, Kavieng, KVG, KVA, LSA, LOSUJA, Madang, Rabaul, Vanimo, VAI  
**International**— BNE, Cairns, CNS, DJJ, HIR, HKG, KGU, MANILA, SYD





Long de namba 4 bilong Februeri Prait Minista Michael Somare i bin opim nupela beng bilong PNG Benging Koporesen long Port Moresby. Em i narakain haus na naispela tru na i gat planti bilas na mak ol man i bin sapim i go insait long simen na ston, long taim ol i wokim. Pot antap i soim dispela beng.

Mista Somare i amamas long PNG Beng na i tok, stat long yia 1974 dispela beng i bin opim 16 nupela beng; 10-pela i stap ausait long ol bikpela taun. Em i soim dispela beng i ting long ol pipel long ples.

Long yia 1977 dispela beng i bin dinau inap long K69 milion i go long ol bikpela kantri, olsem wok kopra na kakau na timba na pis na transpot.

Wanpela samting moa: inap nau ol smolpela man i bin putim moa olsem K150 mlion i go insait long ol beng bilong PNG Benging Koporesen.

### OL YANGPELA PIPEL GAT STRONG

Yumi save long pasin bilong ol yangpela man na meri. Bel bilong ol i seksek long traime olkain nupela aidia na i amamas long mekim olkain wok.

Bai yumi ken yusim dispela strong na skirap bilong ol yangpela pipel olsem wanem? Wanpela saveman bilong Komonwelt Yut Program, Dokta Renaud, i bin autim sampela toktok long dispela samting taim em i bin kamap long Port Moresby. Dokta Renaud i tok, ol yangpela pipel long PNG i ken wokim planti gutpela samting bilong helpim developmen bilong kantri. I gat planti yangpela pipel tru hia, tasol gayman na ol kom-yuniti i no bin yusim ol gut.

Em i tok ol yangpela pipel i gat planti wari na problem na ol i laik mekim sampela kain wok samting bai ol i ken lusim wari bilong ol.

**Mipela ORIM AGENCIES i tok welkam long yu long Rabaul.**

Mipela i papa bilong ORIM'S LODGE namba wan haus slip



Na mipela i gat laisen.

Bet na brekpas bilong yu = K8.50

Ring: 92.2277 de na nait

WINIM MANI ISI TUMAS

PAINIM NA KISIM OLPELA TAIA I KAM MIPELA DUNLOP I SAVE BAIM



LAE: Aircorps Rot - klostu long maket

## LONG MAUS BILONG

**Mista Michael Somare:**

“Long dispela taim ol plisman bilong Port Moresby i wok long painim tupela man i bin sutim wanpela plisman long naip na klostu em indai. Ol plisman i save long dispela tupela man. Ol i save tu long ol pren na wantok bilong tupela.

“Mi tok stret long ol dispela pipel olsem: Yupela i mas tokim ol plisman tupela man i stap we. Sapos nogat, em i min yupela i orait long pasin bilong tupela. Yupela i mas save, tupela i bin ranawe bipo na tupela i wetkot long tupela taim tupela i bin brukim haus na go insait, na narapela taim tupela i bin kisim wanpela ka i go. Na nau tu dispela taim tupela i paitim na klostu i kilim indai wanpela plisman.

“Yupela papamama na wantok na wanhaus i haitim olkain man olsem, yupela i mekim rong. Sampela yupela i pasim ai, sampela i save kisim ol samting ol stilman i bin stilim. Yupela i mekim olsem, yupela i no helpim dispela siti kamap gutpela ples bilong sindaun. Na yupela yet i save sutim tok long ol plisman i no save mekim gut wok bilong ol. Tasol wataim yupela i laik helpim ol plisman?

“Yupela yet long pasin bilong yupela i helpim ol man nogut na ol stilman. Planti taim tumas yupela i no pasim dua bilong haus na ka bilong yupela. Na yupela i no ripotim ol stilman.

“Na wanpela samting moa, yupela i no ken putim hevi long ol skwata na ausaitman na tok ol yet i as bilong trabel. Dispela i no tru.”

**Mista Julius Chan -**

“Mi pret dispela kantri PNG i kamap kantri bilong ol opis man na susok man na man bilong ranim PMV na bilong ranim ol tretstua.

“Ol PNG i mas tingting arakain na save wok fama em i as tru bilong go het bilong dispela kantri. Ol man bilong opis, ol i no mekim mani i kamap. Yumi mas painim mani long baim ol, long sampela arapela hap. . . na bikpela hap tru em egrikalsa tasol.

## BAIM WANTOK

Sapos yu laik kisim Wantok niuspepa inap long wan yia (em i olsem 48 taims) , yu katim dispela tiket long sisis na yu salim i kam long mipela wantaim K8.00.

Nem bilong yu. ....

Adres bilong yu. ....

Salim sek o mani oda inap long K8 wantaim tiket i kam long :

**WANTOK BOX 1982 BOROKO**

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.

Long wanpela ples antap long maunten, wanpela man wantaim meri bilong em tupela i stap. Na long wanpela taim long moning, man ya em i go long bus, na em i go raun long bus.

Nau em ya i lukim wanpela diwai i gat planti pikinini diwai tu i hanga-map. Na em i lukim planti pisin i kam sindaun na kaikai pikinini diwai i stap.

Olsem na man ya em i goap long diwai na i wokim haus bilong pisin. Em i wokim haus pinis, na long apinun, em i go long ples bilong em na em i slip i stap.

Long moningtaim em i kirap na taitim banara bilong em, na kisim sampela spia na em i go.

Na nau em i go kamap long ples we em i wokim haus pisin long en. Na em i goap long diwai na was long psin i stap. Na em i sutim planti pisin tru. Na ol i pundaun long graun. Long as bilong diwai, pisin tasol i pulap.

Na kwiktaim, wanpela bikipela snek i kam antap na pinisim ol dispela pisin em i bin sutim. Na man antap long diwai em i lukluk i go daun na lukim snek i kaikai pisin bilong em i stap. Na man ya i lukluk tasol long en.

Snek i pinisim pisin pinis na em i raunim diwai we man i sindaun long en. Nau em i go raun long han bilong diwai na kaikai ol pisin i pundaun long lip bilong diwai. Na man em i

pret nogut tru. Na em i gat 4-pela ai spia na wanpela raun spia bilong sutim ol palai.

Orait man ya i sutim dispela snek tasol snek i daunim spia bilong em. Na em i sutim narapela tu i olsem tasol. Nau em i sutim olgeta spia bilong em long snek na snek i daunim olgeta. Na man ya i no gat moa spia i lep long sutim snek ya.

Olsem na em i laik holim han bilong diwai na em i laik kalap i go daun. Tasol snek i tokim dispela man: "Sapos yu kalap i go daun, bai yu pundaun na dai." Olsem na man em i pret na em i no kalap i go daun.

Na snek i tokim man ya olsem: "Yu i kam na sindaun antap long mi na mi bai putim yu long graun." Nau snek i raunim em yet na em i putim raunpela het bilong em antap long bodi bilong man. Na em i tokim man ya: "Yu kam sindaun antap long mi." Na man ya em i go sindaun antap long snek na snek i karim em isi isi na putim em long graun.

Na snek i tokim man ya: "Yu kam bihainim mi." Na em i bihainim snek. Na em i go klostu long wanpela marita na em i tokim man ya: "Yu kisim diapela marita." "Sanapim em stret i go daun long graun." Na man i mekim olsem snek i tokim em.

Na snek i tokim em gen: "Yu lukluk long san i kamp na long hap bilong san i go daun na bihain yu

STORI TUMBUNA

# marita meri



lukluk long ples we yu sanapim marita long en". Na man i mekim olsem snek i tokim em.

Na taim em i lukluk long ples marita i sanap long en, em i lukim wan-


pela gutpela yangpela meri i sanap. Na man i amamas nogut tru. Snek i tokim man ya: "Mi laik givim yu dispela yangpela meri ya olsem na mi pinisim pisin bilong yu."

Na snek i tokim man


olsem: "Taim yu laik kaikai marita, yu no ken kaikai long ai bilong meri. Yu mas hait na kaikai." Na em i kisim meri i go long ples. Na namba wan meri i stap long ples.

(I go moa long pes 14)

## TULTUL TITAN




Taim yu wokim TITAN banis no ken lusim tingting long wokim STRENA. Em bai holim kona strong tru. Sapos yu no putim strenta bai banis i slek.



Titan (NG) Pty Ltd. - P.O. Box 25, Lae. Ph. 42.3988 42.3497

Man, wasket bilong yu  
i wel tru, ya

Tru tumas. Em dispela  
kaparesa Gillette i bin  
mekim olsem



# GILLETTE BLUE BLADE



I no gat wanpela kaparesa inap long winim dispela i gat nem Gillette Blue Blade.

Yu ken sev planti planti taim moa long en. Na em i rausim maugras i go olgeta, na wasket bilong yu i lait moa. Em nau. Yu go baim sampela long stua. Yu traim.

DISPELA KAPARESA I GO, I GO I GOOOOOOOO NA I NO LUSIM SAP BILONG EM KWIKTAIM. I OLSEM TASOL.

**SHAVE AFTER SHAVE  
AFTER SHAVE**

# PNG SOLDIA BILONG WOA MAS KISIM PE

Minista bilong Difens, Mista Louis Mona, las wik i bin tok Australia i no bin soim bikpela marimari long ol PNG soldia i bin sambai wantaim ol Australia long paitim ol Japan long woa. Mista Mona i bin tok olsem long kibung bilong Eksekutiv bilong RSL long Canberra, Australia.

Mista Mona i bin mekim ol save tru long belhevi bilong ol PNG soldia i bin pait long woa na ol i no bin kisim sampela pe bihain long woa. Em i tok rekot na mak bilong ol PNG soldia i bin moa moa yet long taim ol i bin paitim ol Japan. Ol soldia bilong yumi i bin wok hat na pait olsem man i gat strong. Ol i no bin pret long woa.

Sori, gavman bilong Australia i bin lusim tingting long ol lapun PNG soldia na famili bilong ol. Australia i bin givim planti mani na helpim long ol soldia na famili bilong ol.

Mista Mona i tok, i tru RSL i bin givim sampela liklik kain helpim long sampela lapun soldia long PNG. Tasol dispela helpim i bin go long sampela man

tasol i stap klostu long ol biktaun. Planti arapela olpela soldia na famili bilong ol i stap long ol as ples, na RSL i no bin traim na painim ol bilong givim sampela bekim o pe long ol.

Mista Mona i sutim tok long Australia Gavman i no bin trai hat long painimaut gut long olgeta man i bin pait long woa na kisim sampela bagarap, bai ol i ken kisim sampela penson, o mani bilong helpim sindaun bilong ol nau. Em i tok i gat samting olsem 3,000 olpela soldia i stap yet long PNG.

Mista Mona i bin tok save tu long strong bilong PNG Difens Fos. Em i tok Papuan Niugini nau i gat liklik Difens Fos tasol long wanem kantri i yangpela yet. Na tu yumi no gat wari long pretim o pait



Poto antap i soim wanpela lain soldia bilong Papua Niugini i holim raifel na i mas long taim bilong woa. Long laibreri long Canberra i gat planti dispela kain poto i stori long ol gutpela wok bilong ol PNG soldia. - Dispela poto i kam long Difens Fos.


wantaim narapela kantri. Long dispela taim yumi no gat kros o bel hevi long arapela kantri, na olsem yumi no gat tingting long strongim bun na pawa bilong Difens Fos bilong redi long pait.

Difens Fos i gat 5-pela

patrol bot tasol, 2-pela liklik Nomad balus, na 4-pela olpela DC3 balus. Em i tok, strong bilong Difens Fos i no bikpela tumas, tasol em inap long pasim rot bilong husat birua i laik krungutim graun bilong PNG.

Ami bilong PNG i ken inap long pait long bikbus. Tasol em i laik askim sampela helpim long kisim planti nupela balus na masin gan bilong pait. PNG i lukluk yet long Australia bilong kisim dispela kain helpim.

# BAIM!!



## new nation

KALAKALA BUK BILONG PAPUA NIUGINI STRET

I gat 32 pes na insait i gat kainkain samting. I gutpela long ol famili. Stori tumbuna, pilai musik Nius bilong PNG na arapela kantri

EM GUTPELA LONG SKUL LAIBRI NA KLASRUM. EM 40t TASOL.

Mi laik kisim New Nation long wan yia. Mi salim K6.00

Nem bilong mi .....

Adres .....

Katim dispela pepa na salim K6.00 wantaim i kam long  
New Nation  
P.O. Box 1982  
BOROKO.

# WOK REDIO WOK NIUS

Poto antap i soim sampela man i tren long wokim niuspepa. Kirap long lephan yu lukim Pasto Dick Avi (eksekutiv ofisa bilong Melanesian Kaunsil bilong ol Sios), Michael Katal (bilong Komynikesen Institut long Goroka), na Haero Yabro (Komynikesen ofisa bilong Evanjelikal Alayans long Banz).

Ol i bin stap insait long wanpela grup bilong 10-pela pipel i bin tren inap wan mun long Bomana long Port Moresby long olkain lo na pasin bilong wokim niuspepa, na wokim redio program, na bungim nius, pasin bilong toktok long redio, pasin bilong ranim redio studio na katim daun ol program.

Wanpela biktisa bilong



ol, em Mista Rowan Callick - em i wanpela save-man long wok bilong niusman. Em i bosim olgeta wokman bilong Wantok niuspepa na em i tokman bilong Engliken Sios long autim olgeta nius bilong ol. Man bilong skulim ol long wok redio em Pater Pat Casserly. S.M., em bosman bilong redio studio long Kamaliki/Goroka.

Dispela grup i bin raun lukim NBC na Post Courier na Wantok niuspepa na Opis ov Infomesen. Ol i bin kisim spesel tok tu long Pater Mihalic, em edita bilong Wantok niuspepa. Na tu long Mista Biga Lebasi, em i pablik rilesen ofisa bilong Air Niugini.

Ol man long dispela grup

i no kisim buksave tasol. Nogat. Ol i mekim wok, olsem daunbilo yu lukim Michael Katal na Matthew Siware (wanpela tisa i wokim brotkas bilong Katolik Sios long Daru) na Haero Yabro gen.

Hia ol i wokim wanpela redio program bilong ol stret na olsem ol i traime ranim olkain masin bilong en.



## KAMPANI SOIM WE

( i kam long pes 3 )

dairekta long dispela kampani. Em i bin gat planti ekspirians pinis long dispela kain wok olsem man bilong salim ofis masin na tu bosim dispela kain wok.

Kampani nau i gat 10 lokal wokman. Em i ting bai em i gro inap 50 insait long 10-pela mun.

Mista Jaintong i tok dispela kampani bilong em bai kamap olsem ol lokal man tasol bai bosim na kisim profit long em. Em i tok dispela pasin em i wokim long kirapim bisnis kampani bilong em yet i soim olsem ol PNG pipel i ken kamapim wok bisnis tu sapos ol i gat gutpela save na strongpela laik bilong wok bisnis.

Mista Jaintong i tok long stat bilong dispela bisnis, em i makim wanpela man bilong Nu Silan bai wok olsem Jeneral Menesa long dispela kampani. Dispela man, nem bilong em Mista William Vassilieff, i gat bikipela save moa long olkain masin bilong ofis.

## Stori Tumbuna

### MARITA MERI

( I kam long pes 11 )

Na man ya i kisim narapela meri ya na i tokim namba wan meri.

"Mi kam wantaim narapela pren bilong mi. Yu stretim haus na em bai i kam sindaun." Na namba wan meri i mekim olsem man i tokim em. Em i stretim pinis na tupela i go insait. Na namba wan meri i no lukim marita meri. Em i harim pairap bilong haus tasol.

Na taim em i kukim kaikai, kaukau em yet i tanim tanim na em i no lukim han bilong marita meri. Na taim tupela i kamautim kaukau i olsem tasol. Tasol man bilong em, em i lukim marita meri. Tasol meri bilong haus i no lukim em.


Na long wanpela taim man i kisim wanpela marita na em i lusim tingting long tok snek i tokim em. Na em i kisim marita i go long ai bilong marita meri. Na man i tokim namba wan meri bilong em: "Yu go kisim wara long marita bilong mi."

Tasol namba wan meri i no harim tok bilong man bilong em. Olsem na namba tu meri o marita meri i tokim em: "Mi go kisir wara long marita bilong yu." Na meri i kisim mambu na i go bilong kisim wara. Na em i kisim wara na kisim sampela grinpela lip arere long wara na pasim gut maus bilong mambu.

Na em i sanapim mambu arere long wara na em i go antap long het bilong wara na i kamap tanim marita na i sanap. Man bilong em i wet i go na i go long wara. Na em i lukim mambu i sanap arere na meri i no gat.

Na em i lukluk long het bilong wara na em i lukim wanpela nupela marita tu i sanap. Dispela marita em meri ya i tanim marita na sanap. Em tasol.

Daniel Basiya,  
Aseki/Lae.



## DE BILONG TINGTING

BILONG OL GEL GAID

22 Februeri 1978


Seremoni long Port Moresby long  
Hubert Murray Stadium long 4:30

TENPELA LO BILONG GOD


( Eksodas 20 - 32: 19 )

Ol pipel Isrel i sanap long as bilong Maunten Sainai. Nek bilong God i pairap long maunten na i tokautim 10-pela lo bilong em, olsem:

Mi Bikpela, mi God tru bilong yupela. Yupela mas bihainim mi wampela tasol. Yupela i no ken wokim wampela god giaman na lotu long en. Yupela no ken kolim nating nem bilong God. Yupela mas tingting gut long de Sabat na makim em olsem de bilong God. Yupela i mas onaim papa na mama. Yupela no ken kilim manmeri i dai. Yupela i no ken trabel long meri o man i marit. Yupela i no ken stil. Yupela no ken giaman na kotim nating arapela man. Yupela no ken mangalim samting bilong narapela man.



God i givim moa lo long Moses. Ol i raitim daun. Moses sanapim alta. Em na ol pipel i kontrak wantaim God na i tok: Mipela promis long bihainim olgeta tok bilong yu.



Bihain God i singautim Moses long kam bek gen long Maunten Sainai. Josua i go wantaim em inap long wampela hap. Em i wet i stap inap sampela de na Moses i no kam bek.

Wataim bai Moses i kam bek? Mipela i laik go painim em.

Mipela i no save em i stap we. Tasol yutupela i no ken go painim em. Em i toktok wantaim God.

Ating, bai Moses i no kam bek..

Sapos em i no kam bek, bai mipela mekim wanem?

Mipela askim Eron long wokim wampela god giaman na mipela i lotuim em.

Yes - mipela i laikim God mipela i ken lukim.



Ol pipel i pilim ol i no gat lida nau na ol i paul nabaut. Ol i lusim ting long ol lo bilong God na long promis bilong ol. Ol i bringim ol bilas bilong ol. Eron i kukim na i wokim wampela kau gol.




Em i luk olsem wampela God ol Isip i save lotuim.

Tumora bai holide na mipela bai lotu long nupela God



Moningtaim tru ol pipel i bringim ol ofa bilong ol i kam long alta bilong bulmakau gol. Ol i kaikai na pati na danis na amamas



Taim ol pipel i pati yet Moses i kam daun long maunten wantaim tupela slet ston i gat lo bilong God long en. Em i bungim Eron long rot.

Moses, yu harim. Ating i gat pait long kem.

Nogat. Mi harim ol i singsing.




Moses i lukim ol pipel i lotu long god giaman na em i kros.

Yupela i trikim God. Yupela i promis long lotuim em wampela tasol, na nau kwiktaim yupela i lotuim bulmakau.

Used by permission of the David C. Cook Foundation. Copyright 1973, David C. Cook Publishing Co. All rights reserved.

# SPIT NA SPAK I KILIM MAN

LUKIM GUT DISPELA POTO OL PLISMAN I KISIM



# NOGUT NEKS TAIM EM I YU TASOL

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.